

# Gvangjsih Minzczuz Bau

ganhhau: CN45-0036 B.2015 Nd.12 Ng.23 liggaueq ietfeih nienz ndwenit cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3204期

## Gvangjsih Saujsu Minzczuz Yijvwnz Yozvei Hai Veiyenz Daibyauij Davei Nem Yozsuz Yenzdaujvei

### 广西少数民族语文学会召开会员代表大会暨学术研讨会

**Bonjbauq siusik (gicej Mungz Sugij)** Aen hoih Gvangjsih Saujsu Minzczuz Yijvwnz Yozvei daihcaet baez veiyenz daibyauij caeuq 2015 nienz yozsuz yenzdauj 12 nyied 18 hauh youq Cungzcoj Si hai. Cungzcoj Siveij cangzveij, senhconz buchangj, fusicangj Lij Cindanz daengz hoih goenghoh caemhcaiq gaisau le gij cingzgvang Cungzcoj Si sevei ginghci fazcanj nem hong minzczuz yijvwnz, Swcigih Minzyijveij fucujyin Yangz Gijbyauh, fusinzsiyenz Yangz Yigez daengj lingjdauj camgya le baez hoih neix. 110 boux veiyenz daibyauij daj daengx gih gak dieg daeuj haenx camgya hai hoih caemhcaiq guh yozsuz yenzdauj.

Aen hoih dingq caeuq samjlwnh doenggvaq le 《Gvangjsih Saujsu Minzczuz Yijvwnz Yozvei Daihroek Gaiq Lijswvei Gunghcoz Baugau》 youz Yangz Gijbyauh daibyauij guh haenx, senjok Gvangjsih Saujsu Minzczuz Yijvwnz Yozvei daihcaet gaiq lijswvei lijsw, cangzvu lijsw, fuveicangj caeuq veicangj, Yangz Gijbyauh ndaej senj dang veicangj.

Aen baugau Yangz Gijbyauh lwnhgangj yozvei seiq bi gvaqdaeu guh le roek yiengh hong: It dwg gvangqlangh guh yozsuz gyauliuz, mboujduenh daezsang yozsuz suijbingz. Gonqlaeng banh le sam baez nienzhoih nem yozsuz yenzdaujvei; bangcoh Guekgia Minzveij banh 2013 nienz minzczuz yijvwnz gunghcoz codanzvei; hai daengx gih minzczuz yijvwnz gvangjbo yingjsi gunghcoz codanzvei daengj. Ngeih dwg gaenxmaenx guh goqdaez yenzgiu. Haengguh gij hong Sawcuengh suijbingz gaujsi caeuq



Gvangjsih saujsu minzczuz yijvwnz laebfap daengj, guh sat gij hong coihdingh 《Sawloih Cuengh Gun》. Sam dwg bangcoh Swcigih Minzyijveij guh gak hangh diuyenz hozdung. Camgya caeuq guh sat Gvangjsih cojyouq saujsu minzczuz vah saw sawjyung canggvang diuyenz, daengx gih vah minzczuz gvangjbo yingjsi fanhoiz cuengqingj gunghcoz cienhangh diuyenz; camgya vah saw minzczuz cwngecw fazveih lozsiz cingzgvang diuyenz caeuq duzcas, haiguh Sawcuengh sevei wngqyung diuyenz daengj. Seiq dwg haeuj daengz gizdieg saujsu minzczuz bae guh gohbuj hozdung. Haj dwg vih hong vah saw minzczuz Gvangjsih daezhawj camcaz fuzvu. Ciengya veiyenz gaenxmaenx gyahaeuj Swcigih Minzyijveij Sawcuengh gunghcoz conghyahcuaj caeuq conghyah camcaz veiyenzvei, doiq daengx gih vah saw minzczuz cwngecw

mizgven vwndiz guh yenzgiu, hawj Swcigih Minzyijveij guh hong vah saw minzczuz daez yigen caeuq genyi. Roek dwg genhciz minzczuz banh hoih, gveihfan guenleix bonjfaenh, mboujduenh daezsang fuzvu naengz-lig nem suijbingz.

Baez hoih neix lij guh le minzczuz yijvwnz yozsuz yenzdauj hozdung, gyoengq veiyenz hopheux gih raeuz caeuq D Nghmungz guekgia vah saw saujsu minzczuz doiqbeij, vah saw minzczuz fanhoiz, song saw vah sonhag, saw vah saujsu minzczuz gvangjbo yingjsi sinhvwnz cuzbanj, minzczuz gujciz daengj guh le damqra, lwnhgangj nem gyauliuz. Daengx hoih sou ndaej lunvwnz gaenh 20 bien, gij lunvwnz neix gakdoh daegbied, lwnhdiemj moqsak, vih baelaeng gij hong vah saw saujsu minzczuz gih raeuz ndaej gohyoz fazcanj daezhawj le lijhun canhgauj mizik.

## Bonjbauq Hong Cujgauj Aeundaej Cingzyauq Ndei 《Minzczuz Vabau》 Laebdaeb Song Geiz Daeng Faenzcieng Lwnh Guengjsae

### 本报组稿工作取得成效《民族画报》连续两期大篇幅报道广西

**Bonjbauq siusik (gicej Couh Yi)** Mboengqneix, 《Minzczuz Vabau》 2015 nienz 12 nyied (cungj 627 geiz) okbanj fathengz, ndawde yungh le 16 yieb saw daeng faenzcieng caeuq mbawdoz lwnh Guengjsae. Neix dwg 《Minzczuz Vabau》 youh baez he guhhaenh Guengjsae raeuz, youq laeng 11 nyied (daih 626 geiz) yungh le 8 yieb saw lwnh Guengjsae raeuz

gvaq. 《Minzczuz Vabau》 gyawj song geiz neix, laebdaeb doiok seiq bien faenzcieng 《Swnjcienz Conzungj Maenhndei, Coicaenh Minzczuz Doxgiet》—Geiq Guengjsae Daengx Guek Minzczuz Doxgiet Cinbu Gyauyuz Gihdi》、《Namzningz Hai Duj Vadoxgiet》、《Lwnh Duh'anh Roekcib Bi Bienqvaq Hung-

loet—Angqhoh Duh'anh Yauzczuz Swciyen Laebbaenz 60 Hopbi》、《Fwenangq Daxnuj Mbanjyauz Gyaeundei》, lij boiq le 70 fuk doz, daj mbouj doengz gakdoh cien ok Guengjsae minzczuz vwnzva caeuq fungcingz daegsaek naekna, baijok gij huzndei Guengjsae minzczuz doxgiet, yienjok Guengjsae minzczuz saehnieb hwnghat gij ndei.

## SIUSIK DINJ

### 简讯

● Vih engq ndei roxyiuj Guengjsae Bouxcuengh Swcigih mbanj daegsaek hwnjguh cingzgvang, 12 nyied 16 daengz 18 hauh, Guekgia Minzveij Diuyenzcuaj youz yenzgiusiz cujyin Siz Yigangh daiq bae daengz Vanzgyangh Mauznanzcuaj Swciyen haiguh mbanj daegsaek hwnghat diuyenz hozdung.

(Danz Su'myauz)

● Gaenh geij bi neix daeuj, Gunghcwnz Yauzczuz Swciyen Nungzghigiz haenqrengz guh hong nungzghigiz ancienz senhconz, hai gak cungj bouxhaici dohlahgih ancienz hagsib beizyinvei, fat bonj saw senhconz nungzghigiz ancienz cihsiz, laeb baizgingjsi, cujciz vwnzyi vanjvei, nungzghigiz senhconz gyauyuz haeuj hagdangz, haeuj mbanj hozdung, haiguh ancienz lienzhah hengzfap daengj lai hangh banhfap ak rengz guh ndei hong ancienz senhconz.

(Liengz Veih)

● 12 nyied 15 hauh, Guengjsae Dayoz Conghyahcuaj bae daengz Gveibingz Si caeuq gvendaengz bumwnz lingjdauj hai hoih, yaenglwnh gij vwndiz aen si neix lijyouz hwnghat gveihva hwnjguh. Ciuq cam rox, Guengjsae Dayoz laebbaenz hanghmoegcuaj, yungh bi lai seizgan, vih Gveibingz sij bonj saw lijyouz hwnghat gveihva, giethab Gveibingz saedsaeh, daezok haujlai lohnaemj caeuq genyi maenhndei, doiq Gveibingz lijyouz canjnieb hwnghat gij mizik.

(Cenz Libingh)

● Mboengqneix, Laizbinh Si doenggvaq caebcomz senhgyangj, daizheiq senhgyangj, haeuj mbanj haeuj ranz daengj lai cungj fuengsik, aeu hagsib senhconz cingsaenz Haj Cung Cienzhohi mboujduenh yinx-haeuj lajmbanj gihcwnz, yinxhaeuj dieg minzczuz bae, vih dieg minzczuz cienzmienh guhbaenz siujgangh saedceij daezhawj cingsaenz doenghlig.

(Mungz Gyahho)

● Bineix 10 daengz 12 nyied, Liujcouh Si haiguh "naihsim gyaez hengzdoengh, bak fanh gvaranz caencingz diuz mae lien" hozdung, ca mbouj geijlai bak boux Myauz, Yauz, Dung daengj gak cuz simndei daxmeh, simndei dahcej yungh seizhoengq san buhlaengj, gaenhaz daengj doxgaiq simndei, soengq bae hawj Sinhgyangh lwgnyez gungzhoj dieggiae cienleix neix, hawj gyoengqde gamjsouh daengz gij raeuj caeuq gvansim ndawbiengz aen gvaranz hung neix.

(Lungz Cilinz)